

Date	: 05 Ogos 2018
Title	: Bekas JPS terima Ijazah Kehormat Doktor Kejuruteraan Uniten
Publication	: Mingguan Malaysia
Page	: 12

MINGGUAN MALAYSIA • AHAD 5 OGOS 2018



ABDUL RAHMAN ABBAS menyampaikan Anugerah Doktor Kehormat kepada **Keizrul Abdullah** (kiri) dalam Majlis Konvokesyen Universiti Tenaga Nasional Ke-21 di Kajang, Selangor semalam. - BERNAMA

Bekas KP JPS terima Ijazah Kehormat Doktor Kejuruteraan Uniten

BANGI 4 Ogos - Bekas Ketua Pengarah Jabatan Pengairan dan Saliran (JPS) Datuk Paduka Dr Ir. Keizrul Abdullah hari ini dianugerahi ijazah Kehormat Doktor Kejuruteraan pada majlis konvokesyen Universiti Tenaga Nasional (Uniten) kali ke-21 di Uniten di sini.

Canselor Uniten, Tun Dr. Abdul Rahman Abbas dalam ucapannya bersempena majlis konvokesyen itu berkata, anugerah tersebut merupakan satu pengiktirafan atas sumbangan dan khidmat bakti Keizrul terhadap pembangunan negara, dunia akademik dan penyelidikan di Malaysia dan antarabangsa.

Keizrul dalam video khas yang ditayangkan pada majlis konvokesyen itu berkata, anugerah berkenaan akan menjadi pendorong kepada beliau untuk terus meningkatkan ilmu dan menggunakan sisa usia yang ada dalam

memberi sumbangan kepada masyarakat yang memerlukan.

Beliau turut menasihatkan para graduan Uniten yang menerima ijazah pada hari ini untuk tidak berhenti meningkatkan ilmu biarpun sudah menamatkan pengajian di menara gading selain menjadi warganegara yang sentiasa memperbaiki diri.

Keizrul antara lain bertanggungjawab memulakan projek pemulihan dan pemeliharaan sungai serta terlibat dalam penyeliaan pembangunan Pelan Induk Tebatan Banjir di Kuala Lumpur dan menguruskan Projek Terowong Jalan dan Pengurusan Air Banjir (SMART).

Sementara itu, Uniten dalam kenyataannya berkata, seramai 3,145 graduan menerima ijazah masing-masing dalam majlis konvokesyen kali ini. - BERNAMA